

KERATAN AKHBAR

TARIKH : 2 OGOS 2023
AKHBAR : SINAR HARIAN
MUKA SURAT : 30

Pelaksanaan Ekonomi Madani tidak melibatkan tambahan perbelanjaan

Pelaksanaan Ekonomi Madani tidak melibatkan tambahan perbelanjaan

KUALA LUMPUR

- Pelaksanaan Ekonomi Madani tidak akan melibatkan sebarang penambahan perbelanjaan tahun ini, dan masih berdasarkan perbelanjaan kerajaan seperti yang ditetapkan dalam Belanjawan 2023, kata Menteri Ekonomi, Rafizi Ramli.

Beliau berkata, kerajaan akan berbelanja mengikut peruntukan yang diluluskan oleh Parlimen serta berdasarkan perbelanjaan yang ditetapkan dalam belanjawan tahun ini.

"Kita perlu berbelanja mengikut (peruntukan) yang diluluskan oleh Parlimen, kita tidak boleh pandai-pandai berbelanja, ada beberapa cara (yang boleh digunakan)," katanya kepada pemberita pada Persidangan Percukaian Kebangsaan 2023 di sini, pada Selasa.

Beliau berkata contohnya, kerajaan boleh menyusun semula keutamaan dari segi



RAFIZI

belanjawan yang telah diluluskan untuk projek atau kementerian tertentu.

"Kita boleh sub-
waran untuk dibelanjakan, kita boleh beri keutamaan serta alih dan susun balik. Jadi, kerajaan boleh berbelanja lebih dalam bidang yang dirasakan cu-

kup penting untuk merealisasikan Ekonomi Madani tanpa kita melepasi had belanjawan yang ditetapkan," katanya.

Selain itu, Rafizi berkata, kerajaan optimistik bahawa sasaran pengurangan defisit fiskal negara kepada lima peratus mampu dicapai.

Kerajaan menyasarkan defisit fiskal 2023 dikurangkan kepada 5.0 peratus berbanding dengan 5.6 peratus tahun lepas di samping ber tekad untuk mencapai tahap defisit fiskal yang mampan dalam jangka masa sederhana dengan sasaran 3.2 peratus daripada Keluaran Dalam Negara Kasar (KDNK) menjelang 2025. - Bernama